

## განმარტებითი ბარათი

კანონის პროექტზე საქართველოს ადმინისტრაციულ სამართალდარღვევათა კოდექსში ცვლილების შეტანის თაობაზე

### ა) ზოგადი ინფორმაცია კანონპროექტის შესახებ

#### ა.ა) კანონპროექტის მიღების მიზეზი :

საზოგადოებისათვის უვნებელი ქმედება - ადამიანის მიერ ნარკოტიკული საშუალებების გასაღების მიზნის გარეშე, მცირე ოდენობით უკანონოდ შეძენა ან შენახვა ანდა ნარკოტიკული საშუალების ექიმის დანიშნულების გარეშე მოხმარება, ადმინისტრაციული პასუხისმგებლობისგან გათავისუფლება.

#### ა.ბ) კანონპროექტის მიზანი:

ნარკოპოლიტიკის ლიბერალიზაცია და შესაბამისი სამართლებრივი საფუძვლის შექმნა.

#### ა.გ) კანონპროექტის ძირითადი არსი:

ნარკოტიკული საშუალების გასაღების მიზნის გარეშე მცირე ოდენობით უკანონოდ შეძენა ან შენახვა ანდა ნარკოტიკული საშუალების ექიმის დანიშნულების გარეშე მოხმარებისთვის გაუქმდება ადმინისტრაციული პასუხისმგებლობა.

გაუქმდება მოქალაქეების იძულებითი ნარკოტესტირების საფუძველი.

### ბ) კანონპროექტის ფინანსური დასაბუთება

კანონპროექტი არ იწვევს დამატებით ხარჯებს სახელმწიფო ბიუჯეტიდან.

#### ბ.ა) კანონპროექტის მიღებასთან დაკავშირებით აუცილებელი ხარჯების დაფინანსების წყარო

ასეთი არ არსებობს

#### ბ.ბ) კანონპროექტის გავლენა ბიუჯეტის საშემოსავლო ნაწილზე:

ბიუჯეტს დააკლდება ადმინისტრაციული სამართალდარღვევის გამო დაკისრებული ჯარიმებისგან მიღებული შემოსავალი, სამაგიეროდ დაიზოგება რეპრესიული ნარკოპოლიტიკის საწარმოებლად საჭირო მნიშვნელოვნად მეტი საბიუჯეტო სახსრები.

#### ბ.გ) კანონპროექტის გავლენა ბიუჯეტის ხარჯვით ნაწილზე:

კანონპროექტი გამოიწვევს საბიუჯეტო ხარჯვის, კერძოდ იძულებითი ნარკოტესტირების ჩატარებისთვის გამოყოფილი სახსრების (17 მლნ ლარი) მნიშვნელოვან შემცირებას.

**ბ.დ) სახელმწიფოს ახალი ფინანსური ვალდებულებები:**

კანონპროექტი არ წარმოშობს სახელმწიფოს ახალ ფინანსურ ვალდებულებებს.

**ბ.ე) კანონპროექტის მოსალოდნელი ფინანსური შედეგები იმ პირთათვის, რომელთა მიმართაც ვრცელდება კანონპროექტის მოქმედება:**

პირებს, რომლებსაც დღევანდელი მდგომარეობით ეკისრებათ ჯარიმები/ფინანსური სანქციები საქართველოს ადმინისტრაციულ სამართალდარღვევათა კოდექსში 45-ე მუხლით გათვალისწინებული ქმედებისათვის კანონპროექტის მიღების შემდგომ გათავისუფლებიან შესაბამისი ფინანსური სანქციებისგან.

**ბ.ვ) კანონპროექტით დადგენილი გადასახადის, მოსაკრებლის ან სხვა სახის გადასახდელის ოდენობა და ოდენობის განსაზღვრის პრინციპი;**

კანონპროექტით ხდება ადმინისტრაციულ სამართალდარღვევათა კოდექსით განსაზღვრული გარკვეული ქმედებებისათვის პირების ადმინისტრაციული პასუხისმგებლობისაგან გათავისუფლება, შესაბამისად უქმდება ამ ქმედებისათვის ჯარიმის დაკისრების შესაძლებლობა.

**გ) კანონპროექტის მიმართება საერთაშორისო სამართლებრივ სტანდარტებთან**

**გ.ა) კანონპროექტის მიმართება ევროკავშირის დირექტივებთან:**

კანონპროექტი არ ეწინააღმდეგება ევროკავშირის დირექტივებს.

**გ.ბ) კანონპროექტის მიმართება საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან:**

კანონპროექტი შეესაბამება საერთაშორისო ორგანიზაციებში საქართველოს წევრობასთან დაკავშირებულ ვალდებულებებს.

**გ.გ) კანონპროექტის მიმართება საქართველოს ორმხრივ და მრავალმხრივ ხელშეკრულებებთან და შეთანხმებებთან:**

კანონპროექტი არ ეწინააღმდეგება საქართველოს ორმხრივ და მრავალმხრივ ხელშეკრულებებს და შეთანხმებებს.

**დ) კანონპროექტის მომზადების პროცესში მიღებული კონსულტაციები**

დ.ა) კანონპროექტის შემუშავებაში მონაწილე სახელმწიფო, არასახელმწიფო ან/და საერთაშორისო ორგანიზაცია (დაწესებულება), ექსპერტი ასეთები არ არსებობენ.

დ.ბ) კანონპროექტის შემუშავებაში მონაწილე ორგანიზაციის (დაწესებულების) ან/და ექსპერტის შეფასება კანონპროექტის მიმართ ასეთები არ არსებობენ.

ე) კანონპროექტის ავტორი:

ნებისმიერი ხელისმომწერი დეპუტატი

ვ) კანონპროექტის ინიციატორი:

ნებისმიერი ხელისმომწერი დეპუტატი